

**Grad Novi Pazar**  
**Skupština grada**  
**Odbornici SDA Sandžaka**  
**Novi Pazar**  
**17. mart 2024. godine**

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 109. stav 2. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo prijedlog **da se iz predloženog dnevnog reda** sjednice Skupštine grada Novog Pazara zakazane za 18. mart 2024. godine, **povuče tačka 26. Prijedlog Rješenja o imenovanju vršioca dužnosti direktora Centra za socijalni rad Novi Pazar;**

**O b r a z l o ž e n j e:**

Član 125. stav 2. Zakona o socijalnoj zaštiti propisuje da se može imenovati lice za čije imenovanje je pribavljena saglasnost ministarstva nadležnog za socijalnu zaštitu. U samom rješenju o imenovanju navodi se da je predmetna saglasnost pribavljena ali ista nije dostavljena odbornicima u prilogu ovog osporenog rješenja te shodno tome ne može se smatrati da ista postoji odnosno da nije pribavljena. Predlagač odluke, nelegalno i nelegitimno Gradsko vijeće, odbornicima nije dostavilo svu potrebnu dokumentaciju kojom bi se potkrijepile tvrdnje iznijete u izreci rješenja. Imajući u vidu da neophodna saglasnost nadležnog ministarstva nije priložena, nisu se stekli zakonom propisani uslovi da bi Skupština grada mogla da se izjasni u vezi sa ovim pitanjem.

Prijedlog Rješenja o imenovanju vršioca dužnosti direktora Centra za socijalni rad u svom obrazloženju nema opisane razloge za njegovo donošenje što je inače obaveza utvrđena članom 138. stav 3. Poslovnika Skupštine grada u kome je izričito propisano

da obrazloženje, između ostalog, mora sadržati i razloge za donošenje odluke kao i objašnjenje cilja koji se želi postići.

Pored nastupanja razloga, po sili zakona, zbog kojih se ova tačka dnevnog reda ne može razmatrati, važno je naglasiti da se na osnovu neregularnih i pokradenih izbora ne mogu vršiti nikakva imenovanja niti dijeliti bilo kakve funkcije. Dok se Ustavni sud ne izjasni o regularnosti izbora, Skupština grada Novog Pazara sa 19 spornih mandata i upitnim legitimitetom i legalitetom ne može vršiti imenovanja i na taj način produbljivati institucionalnu krizu koja postoji u Novom Pazaru a koja je uzrokovana krađom na izborima. Rezultati izbora nisu odraz političkog raspoloženja građana Novog Pazara, već su rezultat izborne krađe i izbornih nepravilnosti, što je i potvrđeno Rezolucijom Evropskog parlamenta o Srbiji od 8. februara 2024. godine a naročito konačnim izvještajem ODIHR-a (ODIR-a) od 28. februara 2024. godine o izborima u Srbiji.

Shodno tome tražimo da se ova tačka dnevnog reda povuče sa dnevnog reda i odloži dok se ne staknu pravni i politički uslovi da se o ovom pitanju Skupština izjasni.

#### **Odbornici SDA Sandžaka u Skupštini grada**

dr. Adem Đerlek

Džanan Bačićanin

Merfid Kamešničanin

Maida Baltić Spahović

Saima Brunčević

Dinheta Pulić

Kenan Kadrić

Kadir Trubljanin

Adem Pepić

Ilma Dupljak

Ovlašteni predstavnik predlagача je odbornica Dinheta Pulić